



覓蜆仔

「黃金蜆！黃金蜆！愛買兜仔無？對肝盡好哦！」市場个魚販仔見看著人過，就招人買，佢看著篩仔肚一隻隻金黃金黃个蜆仔，就想著細人仔時覓蜆仔个情景。

在鄉下，覓蜆仔係細人仔最好个事情，一方面有正當个理由好搞水，一方面在該食著(zhog)無佬豐湧个時代，又有好做菜，所以在寮日，鄰舍湊啊著就共下去覓蜆仔。係有較大个人渡，佢姆成時也肯分佢診等去，佢像飛出鳥籠个鳥仔，一頭行一頭跳，暢到奈毋得，這下想起來，嘴丫角還會慢慢弛起來。

這隊覓蜆仔个人，實在生趣，有个一隻手扒盆仔、一隻手拿箊箕，盆仔肚還愛放一支細沙耙；有个一隻手扒鑊仔、一隻手拿畚箕，鑊仔肚還愛放一支細鑊頭，大家斯驚東西毋罅齊，覓个蜆仔毋罅多。佢屋下無這兜傢伙，帶个東西最簡單，一頂笠嘛抵日頭、一隻細盆仔張蜆仔，就恁樣定定。

佢兜最常去个位所，係就近个大圳溝，這條圳溝有兩、三公尺闊，水到膝頭下恁深。落到圳溝肚，佢用手捧起圳溝底个泥沙，目珠金金看裡背有蜆仔無，係有就煞煞拈起來，像著(chog)著(do)獎券恁暢。痾忒久，腰骨痠軟咧，就企等用腳蹺，蹺了等水鮮，就會看著罔在圳溝底个蜆仔走出來，一晝邊下來雖然覓著無多，佢還係試著盡歡喜。其他人就無共樣咧，用細沙耙、細鑊頭撈圳溝底个泥沙耙落箊箕、畚箕肚篩篩仔，歸十隻蜆仔就在面前，覓著半面盆較加係常有个事情。也有人除了覓蜆仔以外，還用箊箕去插圳溝脣草竇肚个蝦蜆仔，轉去焗焗仔又係一盤菜。

佢同學最生趣，官覓蜆仔就先用圳溝水洗頭那，等蜆仔覓好，頭那毛也燥咧，摺學老人講个：「一兼二顧，摸蜆仔兼洗褲。」實在還相像哪！可惜毋記得幾時，佢姆就交代，這下家家屋屋个厝糟水就排到這圳溝去，落去腳會綿忒，覓个蜆仔也食毋得，從該以後，覓蜆仔伸著係佢兜朋友打嘴鼓个話題，無人識去覓咧。到這下，圳溝也奔忒咧，童年个種種，也共樣奔在佢个心肝肚。

作者：張美容

☆詞彙學習☆

【覓蜆仔】mi+ han' er：摸河蜆。

【毋罅齊】m la+ ce：不夠齊全。

【食著】shid' zhog：吃穿。

【傢伙】ga' fo'：工具。

【嚴條】ngiam tiau：嚴格。

【一晝邊】rhid zhiu' bien'：一個下午。

☆文法學習☆

【半面盆較加】ban' mien' pun hau' ga'：比臉盆的一半多一些。「數量詞+較加」意指超過某數量一些，類似於國語的「數量詞+多」。

例1：毋使恁鬥緊，四點較加正去乜還赴得掣。(不用這麼匆忙，四點多再去也還來得及。)

例2：佢衫著咧三領較加，感覺毋多會冷。(我穿了不止三件衣服，感覺不太會冷。)